

## Saopštenje za medije

### Promatrači OSCE-a stižu u Bosnu i Hercegovinu da promatraju izborni proces za Opće izbore 2010. godine

**Varšava, 30. august 2010. godine** – Danas je zvanično počela sa radom Izborna promatračka misija OSCE-ovog Ureda za demokratske institucije i ljudska prava (ODIHR), u vezi sa predstojećim Općim izborima u Bosni i Hercegovini, 3. oktobra 2010. godine.

Dolazak Promatračke misije uslijedio je nakon poziva od strane Centralne izborne komisije BiH. Sve države članice OSCE-a imaju obavezu uputiti poziv ODIHR-u da promatraju njihov izborni proces.

Misija, kojoj je na čelu ambasador Daan W. Everts iz Holandije, sastoji se od osam međunarodnih izbornih stručnjaka, od kojih svaki dolazi iz druge države članice OSCE-a, i ima sjedište u Sarajevu. Također, dvadeset stalnih promatrača bit će raspoređeno u cijeloj državi od 2. septembra 2010. godine.

Misija će ocijeniti Opće izbore u pogledu poštivanja standarda demokratskih izbornih procesa, uključujući obaveze, prihvaćene od strane svih država članica OSCE-a, kao i u pogledu poštivanja domaćeg zakonodavstva.

Promatrači će pažljivo promatrati i izvještavati o svim aspektima odvijanja izbornog procesa, uključujući pitanja u vezi sa pravnim okvirom za izbore, rezultatima rada izborne administracije, medijskim izvještavanjem u predizbornoj kampanji, te procedurama na sam dan održavanja Općih izbora.

Neposredno pred sam dan održavanja Općih izbora, oko 300 privremenih promatrača bit će raspoređeno u cijeloj državi, kako bi pratili proces otvaranja biračkih mjesta, proces glasanja, brojanje glasova i izračunavanje rezultata.

ODIHR je, od 1996. godine do sada, pratio odvijanje izbornih procesa prilikom održavanja osam izbora u BiH.

Više informacija o Promatračkoj misiji, kao i Izvještaj o ocjeni potreba, može se pronaći na OSCE-ovoj web stranici: [http://www.osce.org/odihr-elections/item\\_12\\_45817.html](http://www.osce.org/odihr-elections/item_12_45817.html).

OSCE/ODIHR-ova Izborna promatračka misija i Misija OSCE-a u BiH djeluju odvojeno jedna od druge, i svaka od njih ima svoj konkretan mandat.